

中國醫藥集成

R902
CLX
11684

蔡陸仙編

中國醫藥匯考

一五

北京市中国书店

中國醫藥匯海

第二編 史部目錄

史部提要

第一章 太古之醫學

第二節

醫藥之元始

一

第二節

太古著名之醫學家

三

第二節

神祇時期之醫學術

五

第二章 周秦之醫學

第一節

周秦之醫政

六

第二節

周秦著名之醫學家

七

第三節

醫藥之進展與疾病史

一〇

第三章 兩漢之醫學

第一節 兩漢及三國之醫政 一三

第二節 兩漢及三國著名之醫學家 一四

第三節 醫學極盛之時期 一八

第四節 疾病史與病名考 一九

第五節 兩漢及三國之著作考 二三

第四章 兩晉至隋之醫學

第一節 兩晉至隋之醫政 二四

第二節 兩晉至隋著名之醫學家 二六

第三節 疾病之沿革史 三二

第四節 兩晉至隋之著作考 三五

第五章 唐代之醫學(附五季)

第一節 唐代之醫政 三六

第二節 唐代著名之醫學家	三七
第三節 疾病之沿革史	四三
第四節 唐代之著作考	四五
第五節 醫學與佛教之關係	四五
第六章 宋代之醫學(附遼)	
第一節 宋代之醫政	四七
第二節 宋代著名之醫學家	四九
第三節 宋代之學說	五九
第四節 疾病之沿革史	六〇
第五節 宋代之著作考	六二
第七章 金元之醫學	
第一節 金元之醫政	六四
第二節 金元著名之醫學家	六七

第三節 金元醫學之派別觀	七五
第四節 疾病之沿革史	七七
第五節 金元之著作考	八二
第八章 明朝之醫學	
第一節 明朝之醫政	八四
第二節 明朝著名之醫學家	九〇
第三節 明朝醫學之派別觀	一〇六
第四節 疾病之沿革史	一〇七
第五節 明朝之著作考	一一六
第九章 清朝之醫學	
第一節 清朝之醫政	一二〇
第二節 清朝著名之醫學家	一二二
第三節 清朝醫學之派別觀	一四七

第四節 疾病之沿革史	一五〇
第五節 清朝之著作考	一五九
第六節 西洋醫學輸入中國之時期	一六三
第七節 日本醫學輸入中國之時期	一六四
第八節 醫學派別之變遷史	一六五

中國醫藥匯海

雲陽蔡陸仙編輯

第二編 史部

史部提要

章翼方 助編
薛定華 助編

夫欲明瞭中國之整個醫學，非先根據中國醫學史，以入手研究，殊不能溯本窮源，貫穿百家，作有系統之精密整理焉。考我國醫學，肇自軒岐，備於炎漢，至大唐中興，又復紛歧混淆於宋元明清各代，迨咸同以後，新學說之輸入，迄今醫學始有漸趨整理之途徑。然數千年來之沿革史，雖足供考證輔翼者甚夥，但所記載，不過歷代方技傳記，或述個人之事略而已；殊未能規劃統系，剖晰事實，足資吾人窮究精討者也。夷考其記載較見精詳者，如甘伯宗之名醫傳、李濂之醫史，雖有追討之價值，但其體例，亦僅較方技略詳焉；烏能別類比例，足資淹貫乎！夫醫史之所貴有悠久之價值者，非僅區區文學記載，蓋足以存徵信而資考鑒，以觀改革與成績焉。惜歷來研究醫學，對於醫史一類，每多屏棄勿論，且未能明白其真價值，焉可融會古今，探幽闕秘，此亦學術荒蕪之一驗也。矧近世各國醫學之昌明，莫不以歷史上

之研究爲徵信，而後事實有根據，學術有進化；是又烏可以淡焉漠視耶？竊謂醫史之研究規程，可區別爲六類：

(一) 歷代醫藥之行政

(二) 學術之發明與沿革

(三) 名醫之學說及其派別

(四) 痘名之統計

(五) 名醫之略歷

(六) 書籍之種類

夫史者，所以記事者也，如分世系、傳記、志考、編年……等等，諸體雖各不同，然總不外乎以遺文、軼事、掌故、考證爲主，其間或記一地一時之見聞，或一事一物之終始，或作一代之統編，或述一人之事略，故醫學與醫史，確有密切之關係有在，必先研究醫史，而後始能建樹有系統之學術基礎，庶可規畫整理，並免管窺蠡測之譏矣；豈陋聞隘見者，所能觀望其涯際哉！輯醫史爲第二編。

第一章 太古之醫學

第一節 醫藥之元始

吾國醫學之興，始於神農氏，故神農氏爲吾國醫藥之元始；當時民智未啓，居處無定所，未識耕種及畜牧之法，每以自然產生之植物，爲生活之資料，艸木中含有催促吐瀉之性質者，亦徑取食之。神農、

氏辨別其某物催吐，某物促瀉，某艸木不可作食料，並以催促吐瀉之艸木，而治心窩悶之患，腹脹便祕之疾，此皆醫藥知識所濫觴。史記綱鑑均謂『神農氏嘗百艸』始有醫藥。淮南子修務訓曰：『神農乃始教民嘗百艸之滋味，當此一日而遇七十毒。』由此醫方興焉。又宋劉恕通鑑外紀曰：『民有疾病，未知藥石，炎帝始味艸之滋味，嘗一日而遇十二毒，神而化之，遂作方書，以療民疾，而醫道立矣。』是卽以神農爲醫藥之鼻祖者也。如淮南子之說，一日而遇七十種之毒，應發七十種之中毒症，神農雖異於常人，其能當此中毒症乎？卽能當此中毒症，果能於一日之中，而區別七十種乎？此事不能無疑也。劉恕以七十毒爲過多，改爲十二毒，或云此毒云者，指五味之偏勝而言也。十八史略之註曰：『陳記其毒，是蓋變用嘗滋味之說也。』或謂『醫學始於黃帝』，但正史無明文，素問靈樞乃後人記黃帝岐伯之名而論醫事，其非黃岐之事實，先哲亦已辨之也。帝王世紀云：『黃帝使岐伯嘗味本艸，定本艸經，造醫方以療衆疾。』嘗味本艸而定本艸經云者，與神農之說無異。帝王世紀爲晉皇甫謐所著，謐爲醫中之一人，而好神仙倡不老延年之說，則其杜撰妄誕，可推知已。故我國醫藥之元勳，乃神農而非黃帝也明矣。

第二節 太古著名之醫學家

倀貸季

路史曰：「神農命倀貸季理色脈，對蔡和齊摩踵，誦告以利天下，而人得以繕其生。」註云：「倀貸季岐伯之祖師也。岐伯對黃帝云：『我於倀貸季理色脈已二世矣。』」古今醫統云：

「倀貸季黃帝時人，岐伯之師，岐伯相爲問客，著爲內經。」云。

岐伯

帝王世紀云：「岐伯，黃帝之臣也。帝使嘗艸木，典主醫病，經方本艸素問之書咸出焉。」路史曰：「黃帝極嗜於岐伯雷公而內經作，謹候其時，著之玉版以藏靈闕之室，演倉穀，推賊曹，命愈蹠岐伯雷公，察明堂，究脈息，謹候其時，則可萬全。」道基經註云：「倉穀者，名之穀仙，行之不休，可長久。王莽篡位，種五穀禾於殿中，各順色置其方面，云此黃帝穀仙之術。黃帝元辰經云：『血忌陰陽精氣之辰，』天上中節之位，亦名天之賊曹，尤忌針灸。素問云：『謹候其時，』氣乃與期，張合色脈，可以萬全矣。」帝使岐伯嘗味百藥，主典醫病，故家語云：

「黃帝嘗味艸木。」

三巫 彭

路史曰：「黃帝命巫彭掘君處方墨鉢湔滌刺治，而人得以盡年。」逸周書云：「巫彭初作醫，周官曰：『五穀五藥養其病，五氣五聲視其生，觀之以九數之變，參之以五臟之動，遂有五毒，攻之以五藥，療之以五氣，養之以五味，節之以祛百病。』」

四、巫、妨 千金方中，古有巫妨者，立小兒顱頰經，以占夭壽，判疾病死生，世相傳授，始有小兒方焉。

五、雷、公、雷公，黃帝時之臣也。見素問，著至教論篇。

六、巫、咸 堯帝臣，以鴻術爲帝儕，能祝延人之福，愈人之病，祝樹枯，祝鳥鳥墜。

第二節 神祇時期之醫學術

遠古之初，民智未啓，皆以疾病爲鬼神所祟，欲免其病，惟有媚鬼神尙祈禱而已。是時人民狉狉獉獉，未識紡織建築之法，露宿風餐，夏與烈日爭，冬與霜雪爭，其皮膚之堅實，皆以天然氣候鍛練成之，所以感官極少，且爭鬥掠奪，比比皆是以外創咬傷之患爲多；食物不能預爲之備，有則飽餐，無則絕食，故每多胃腸病，其醫病之法，藥物法甚少，除神鬼祈禱外，則有卜筮巫醫咒咀等……一切迷信之行爲，而巫醫以一人兼爲之，遂爲療病之權矣。「祈禱」者，所以通人之情於神也。上古時染病者，皆以爲鬼神所祟，故其有病，必祈禱之。「咒咀」者，能以己身之悉，禁物而咒之，使如己意也。又能禁水使逆流，禁瘡使血止，禁釘使自出。素問移精變氣篇云：「古之治病，惟其移精變氣，可由祝由而已。」又賦風篇云：「先巫知百病之勝，先知其所從生者，可祝而已也。」「針灸」者，以針刺或艾灸經絡孔穴以治病也。詳

見靈樞「砭石」者，按病者之經穴，刺以鍼石也。詳見素問異法方宜論。且山海經云：「高氏之山，有石如玉，可以爲針，」（卽砭石也。）本艸綱目云：「古者以石爲針，季世以針代石。」今又造針治病，亦砭之遺意也。

第二章 周秦之醫學

第一節 周秦之醫政

(一)周之醫政

周禮天官醫師上士二人，下士二人，府二人，史二人，徒二十人，掌醫之政令，聚毒藥以供醫事。凡邦之有疾病者，有瘡瘍者，造焉，則使醫分而治之。歲終則稽其僻事，以制其食，十全爲上，十失一次之，十失二次之，十失三次之，十失四爲下。食醫中士二人，掌和王之六食、六飲、六餚、百羞、百薦、八珍之齊。凡食齊，眠春時，羹齊眠夏時，醬齊眠秋時，飲齊眠冬時；凡和，春多酸，夏多苦，秋多辛，冬多鹹，調以滑甘。凡食餚食之，牛宜稌，羊宜黍，豕宜稷，犬宜梁，雁宜麥，魚宜蓏。凡君子之食，恆放焉。疾醫中士八人，掌養萬民之疾病。四時皆有痼疾，春時有瘡首疾，夏時有瘡疥疾，秋時有瘡寒疾，冬時有嗽上氣疾。以五味、五穀、五藥養

其病，以五氣、五聲、五色覈其死生。兩之以九數之變，參之以九藏之動。凡民之有疾病者，分而治之，死終則各書其所以，而入於醫師。瘍醫下士八人，掌腫瘍、潰瘍、折瘍、金瘍之祝，藥剷殺之齊。凡療瘍以五毒攻之，以五氣養之，以五藏藥療之，以五味節之。凡藥以酸養骨，以辛養筋，以鹹養脈，以苦養氣，以甘養肉，以滑養竅。凡有瘍者，受其藥焉。

(二) 秦之醫政

杜佑通典，秦有太醫令丞主醫藥。史記扁鵲列傳，秦有太醫令李醯。又刺客列傳，侍醫夏無且。

第二節 周秦著名之醫學家

- 一、伊尹
商湯臣，皇甫謐甲乙經序，伊尹亞聖之才，撰用神農本草，以爲湯液。
- 二、醫緩
晉侯夢大厲被髮及地，搏膺而踊曰：『殺余孫不義，余得請於帝矣。』壞大門及寢門而入，公權入於室。又壞戶，公覺召桑田巫，巫言如夢。公曰何如？曰不食新矣。公疾病，求醫於秦，秦伯使醫緩爲之。未至，公夢疾爲二豎子，曰：『彼良醫也，懼傷我，焉逃之。』其一日：『居肓之上，膏之下，若我何？』醫至，曰：『疾不可爲也，在肓之上，膏之下，攻之不可，達之不及，藥不至

焉，不可爲也。』公曰：『良醫也。』厚爲之禮而歸之。（左傳）

三、醫和

平公有疾，秦景公使醫和視之，出曰：『疾不可爲也，是謂遠男而近女，惑以生蠱，非鬼非食，惑以喪志，良臣不生，天命不佑，若君不死，必失諸侯。』趙文子聞之曰：『武從二三子，以佐君，爲諸侯盟主於今八年矣，內無苛慝，諸侯不二。』子胡曰：『良臣不生，天命不祐。』對曰：『自今之謂。』和聞之曰：『直不輔曲，明不規闕，扶木不生危，松柏不生埤，吾子不能諫惑，使至於生疾，又不自退，而寵其政，八年之謂多矣，何以能久？』文子曰：『醫及國家乎？』對曰：『上醫醫國，其次醫人，固醫官也。』文子曰：『子稱蠱，何實生之？』對曰：『蠱之慝，穀之飛，實生之，物莫伏於蠱，莫嘉於穀，穀與蠱伏，而章明者也；故食穀者，晝選男德，以象穀明，宵靜女德，以伏蠱慝，今君一之，是不穀穀而食蠱也，是不昭穀明而皿蠱也。夫文蟲皿爲蠱，吾是以云。』

（國語）按通志列傳云：『或曰：緩即和也，恐音訛耳。』

四、盧氏

楊朱之友曰季梁，季梁得疾，七日大漸，其子環而泣之，請醫，季梁謂楊朱曰：『吾子不肖如此之甚，汝奚不爲我歌以曉之？』楊朱歌曰：『天其勿識，人胡能覺，匪祐自天，弗孽由人，我乎汝乎，其弗知乎！醫乎巫乎，其知之乎！』其子勿曉，終謁三醫，一曰矯氏，二曰俞氏，三曰盧

氏，診其所疾。矯氏謂季梁曰：「汝寒溫不節，虛實失度，病由饑飽色慾，精慮煩散，非天非鬼，雖漸可攻也。」季梁曰：「衆醫也，亟屏之。」俞氏曰：「女胎氣不足，乳漬有餘，病非一朝一夕之故，其所由來漸矣，勿可已也。」季梁曰：「良醫也，且食之。」盧氏曰：「汝疾不由天，亦不由人，亦不由鬼，稟生受形，既有制之者矣，亦有知之者矣，藥石其如汝何！」季梁曰：「神醫也。」重覲遣之，俄而季之疾自瘳。（列子力命篇）

五、扁鵲

扁鵲勃海郡鄭人也，姓秦氏，名越人，少時爲人舍長，舍客長桑君遇扁鵲，獨奇之，常謹遇之，長桑君亦知扁鵲非常人也。出入十餘年，乃呼扁鵲私坐，閒與語曰：「我有禁方，年老，欲傳與公，公毋泄。」扁鵲曰：「敬諾。」乃出其懷中藥予扁鵲，飲以上池之水，三十日當知物矣。乃悉取禁方書盡與扁鵲，忽然不見，殆非人也。扁鵲以其言，飲藥三十日，視見垣一方人，以此視病，盡見五臟癥結，特以診爲名耳。治愈虢太子之病，周秦間凡稱良醫者，皆謂之扁鵲也。

六、安期生

列仙傳曰：「安期先生者，瑤鄧阜鄉人，賣藥海邊，時人謂之千歲公。李少君採藥泰山，病困殆死，遇安期，安期與之神樓散服之遂愈。秦始皇聞之，召見與語三日三夜，賜金璧數千萬，出阜鄉亭，皆置之而去。」

第三節 醫藥之進展與疾病史

蓋吾國自周以前，皆巫醫之術兼行，至周商文明已啓，而醫藥亦隨之進步。伊尹之創製湯液，秦和之造作醫方，此爲後世方劑之圭臬。《素經說命篇》曰：『若藥勿瞑眩，厥疾勿瘳。』周禮醫師原人血脈，經絡、骨髓、陰陽、表裏，察天五運、並時六氣，眡人五聲、五色、九竅、九臟之動，以探百病決死生之分。又謂天有五星，故有五行，以爲寒暑，以爲陰陽風雨晦明，分爲四時，序爲五節，溼則爲裁，以生寒熱少腹惑心之疾，人有四肢五臟，化爲五氣，一覺一寐，吐納往來，流筭衡章爲氣色，發爲聲音，以生喜怒哀樂憂惡之情，過則有傷。夫天之寒暑陰陽風雨晦明，既足以傷形，而人之喜怒陰陽，運於榮衛之間，交通則和，有餘不足則病。此周代醫學之學說也。或謂周禮之書，爲先儒之說，秦漢諸儒，以意損益者衆矣，非周公之完書也。然而當周之末，春秋戰國之時，四百餘年間，左傳載醫和醫緩扁鵲之事，史記戰國策亦載之，其能謂當時之醫藥無進展哉？他若疾病之名稱，定例不少，遂亦盛行，其較之媚鬼神尚祈禳之時期，焉可同日而語耶？茲將病名，摘記於後。

1. 傷寒：《難經第五十八難》曰：『傷寒有幾，其脈有變否？然傷寒有五：有中風，有傷寒，有溼溫，有熱